



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

octauus simplicitas intellectus. 30

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

Intrare potest. ¶ Et quidem hæc omnia in fun-
do nostro latent, quæ si sentire velimus, & no-
bis fructuosa esse debeant, ita recollecti, ac in
Deum immersi esse debemus, sicque nosiplos
funditus abnegare, vt nihil viuat in nobis præ-
ter Dei voluntatem, vt sic ipse sine ylla con-
tradictione cuncta interiora nostra regere possit
(quemadmodum rex aliquis regit regnum su-
um) & omni familiæ nostræ pro suo seruitio et
reuerentiâ imperare. Sic enim fundus iste, in
quo Deus ipse velut in throno suo moratur, In-
cet. Enimuero, quicumque tales sunt, vt iam
dictum est, illi Deo chariores mille alijs ex-
stunt, qui non ab eius voluntate aguntur, sed
per seipsos cum eius voluntate operantur, &
ideo creaturæ permanent in suis operibus deifican-
tes. Qui vero seipsos Deo resignant, vt ipse
met suum in eis opus perficiat, illi deiformes &
Deum patientes efficiuntur, in ordinem throno-
rum suscipiendi per Christum Iesum dominum
nostrum, qui tam perfecte omnem voluntatem
suam in cœlestis patris sui beneplacitum trans-
fuderat, quasi nullam vnquam voluntatem ha-
buisset, semperque dicebat: Pater, non sicut
ego volo, sed sicut tu vis. Custodiunt autem in
beatissimi throni homines istos in deifica pace
& cauent ne ad inferiora inclinentur, & de
numeri augmentatione latantur, Habentque
hic homines isti plus in Deo gaudij, quam cre-
nes spiritus ordinum inferiorum.

De octauo gradu, qui est simplicitas intel-
lectus. Cap. XXX
Octa-

LIBER II.

Octauum gradum, per quē in octauū Cherubin ordinē ascenditur, illi tenent, q̄ seipſos ab omni intellectu denudarūt, & absque imaginatione contemplantur, quiq̄ ad suū naturale lumē conuersi, in primū fundum suū in diuinam caliginē secesserunt, in quo fundo lux increata sine cessatione irradiat, & eadem diuina lux ex abyſſo procedens, seipsam perlucida claritate dilatat, & spiritum atq̄ animam cū omnibus viribus eius illustrat, & radios suos in terram cordis dirigens, ipsum feruidum reddit, atque fecundum. Et hinc vires lucent & ardent instar stellarum cœli, & in isto anima simplificatur & exornatur, & lumine gloriæ vestitur: imago sanctissimæ Trinitatis (in qua speculū eiusdem semper venerandæ Trinitatis clarissime lucet) denuo clarificatur: animę facies Deum sine medio simpliciter contemplari idonea efficitur: simplex animæ oculus semper apertus existens, diuinitatis abyſſum sereno atque iucundo intuitu absque propriæ nihilitatis cōsideratione contempletur. Et quamuis intellectus creatus, aliæque vires ex hoc simplici atque diuino fundo, tanquam ex sua origine promanent ac profluant, & ab increata luce simul collectæ seruentur & transformentur, nequaquam tamen in eum pertingere vel peruenire possunt. **Q**uisquis autē huc pertingere voluerit, eum, quicquid habet, intellectum videlicet, desiderium, voluntatē & opera sua impēdere, seq̄ corā diuina abyſſo captiuū prosternere, & in suā immergere nihilitatē, Deūq̄ in paupertatis solitudine sequi oportet: & tūc ei fundus iste aperit̄. Notandum vero, q̄ sunt nonnulli, qui in hunc fundum intro-

MARGARITAE EVANG.

Introducti & viam hanc edocti sunt, qui tamen a creata luce subtiliter hinc educuntur, eo quod intellectus eorum multum habet intellectualis obiecti per modum scripturarum, per quas inordinate ab unitate in multipliciter euocatur et abducitur. Et tunc eis fundus iste occultatur, & occluditur, & ipsi pauperes ac desolati efficiuntur. Ideoque verus Dei amator summo opere cauere debet, ne creati luminis argumentationibus respondeat, magis autem increata lucem sequatur, & unico vni (in quo omne bonum & vita consistit aeterna) respondere curet. Denique homines illi in hoc gradu constituti, tam in suo fundo sunt copiose illustrati, ut per eorum deformem lumen, quo per aeternam sapientiam sunt clarificati, cuncta eis irradiet, suscipiunturque in octauum Cherubicum chorum per Christum Iesum dominum nostrum, qui lumen increatum clarissime contuebatur, & hanc viam aptissime docebat, cum diceret: Ego sum via, veritas & vita. Qui sequitur me, non ambulat in tenebris. Qui per me ambulat, non errabit. Qui mihi credit, non decipietur. Qui mihi adheret, vna mecum lux efficietur. Custodiunt autem beatissimi Cherubin homines istos in simplicitate, obtinentque eis meritis ac precibus suis claram Dei & superiorum cognitionem, diuinam sapientiam, et veram discretionem, tam erga se, quam circa quolibet alios: habebuntque hic isti plus gaudij, quam omnes alij infra constituti.

De nono gradu, qui est simplicitas cogitationum. Cap. XXXI.

Nonum gradum, per quem in eiusdem numeri Seraphicum ordinem ascenditur, illi tenent,